

**Matumuuna siunnersuutigaara Naalakkersuisut peqquneqassasut Danskít  
Naalakkersuisuinut saaffigineqqullugit Kangaatsiami piaartumik  
politeeqarfeqalernissaanik noqqaassuteqaqqullugit**

**pillugu**

**Inatsisinut Ataatsimiititaliap**

**siunnersuutip aappassaaneerneqarneranut**

**ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Anders Olsen, Siumut, siulittaasoq  
Inatsisartunut ilaasortaq Aqqalu Jerimiassen, Atassut, siulittaasup tullia  
Inatsisartunut ilaasortaq Harald Bianco, Inuit Ataqtigiit  
Inatsisartunut ilaasortaq Mariia Simonsen, Inuit Ataqtigiit  
Inatsisartunut ilaasortaq Mala Høy Kúko, Siumut

2022-mi maajip ulluisa pingajuanni siullermeerinninnerup kingorna ataatsimiititaliap siunnersuut misissorpaa.

**Siunnersuutip imarisaa siunertaalu**

Siunnersuutikkut Naalakkersuisut danskít naalakkersuisuinut piaarnerpaamik Kangaatsiami politeeqarfeqalernissaanut noqqaassuteqarlutik saaffigineqqullugit peqquneqassapput.

**Siunnersuutip Inatsisartuni siullermeerneqarnera**

Siunnersuutip siullermeerneqarnerani tamaat isigalugu siunnersuut taparserneqarpoq. Oqallinnermi politeeqarfimmi sulisussanik amerlassusiliineq siunnersuummi takuneqarsinnaasoq apeqquserneqarpoq.

**Kalaallit Nunaanni Politimesterip ilisimatitsinera**

Ataatsimiititaliap immikkoortumik suliarinninnermini Kalaallit Nunaanni politimesteri paasissutissiinertalimmik ataatsimeeqatiginissaanut aggeqquaa. Kangaatsiami ukiuni tallimani kingullerni ukiumut unnerluussinerit katillugit 16-iusarsimaneri paasissutissiinertalimmik ataatsimiinnermi Politimesterip ataatsimiititaliamut ilisimatitsissutigaa. Ukiumut suliat 1,5-

imik amerlassusillit politiinik agertitsisariaqarfiusimapput. Nalinginnaasumik politiit umiatsiamik qulimiguulimmilluunniit akunnerup ataatsip iluani apuussinnaasernerat politimesterip aamma ilisimatitsissutigaa.

Politiit sulisoqarniarnerannut atatillugu, suliffimmi tarnikkut atugassarititanik pingaernerutitsineq peqqutigalugu, maanna politeeqarfiit minnerpaamik marlunnik sulisoqalersinneqarsimanerat Politimesterip ilisimatitsissutigaa. Pituffik minillugu, tassani ataatsimik politiimik sulisoqarpoq.

#### **Ataatsimiititaliap siunnersuummik suliarinninnera**

Ataatsimiititaliap politimesterimik ataatsimeeqateqarneranut nangissutitut ataatsimiititaliap naatsorsuutigivaa Kangaatsiami politeeqarfimmik pilersitsisoqassagaluarpat Kalaallit Nunaanni politeeqarfinni allanisuulli sulisut amerlassusilerneqarsimanerat taanna aallaavigineqassasoq, taamaalillunilu aamma Kangaatsiami marlunnik politeeqartussanngorlugu.

#### **Ataatsimiititaliap inassuteqaatai**


Ataatsimiititaliap isumaqatigiittup siunnersuutip akuersussutigineqarnissaa inassutigaa.

Taamatut oqaaseqaateqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.



---

Anders Olsen  
Siulittaasoq



---


Aqqalu Jerimiassen  
Siulittaasut tullia

cing.




---

Harald Bianco



---

Mariia Simonsen



---

Mala Høy Kúko